



حركة التحرير الوطني الفلسطيني - فتح
إقليم استراليا



تمرة رمضان

العدد رقم ٨

شراب قمر الدين

مكونات هذا الشراب: قمر دين جاهز (وهو عبارة عن ألواح من مجفف عصير المشمش ويتم نقع الألواح بالماء قبل استخدامها بتحضير العصير) + ماء + سكر حسب الرغبة.

الماء المهين

هو الحقير ويقصد به (ماء الرجل / المني) لمهانة مكان خروجه يقول تعالى في الآية رقم ٢٠ من سورة المرسلات بسم الله الرحمن الرحيم (الم نخلقكم من ماء مهين) صدق الله العظيم

التمرية

هذا الطبق يصنف من الحلويات. مكوناته الأساسية هي: طحين + زيت + سكر + ماء + ملح. الحشوة تتكون من: ماء الورد + سميد + سكر + حليب + مستكة.





العين

ستي بدي أسألك شو يعني إكسري عينك، أنا بعرف كسرت العين يعني لما الوحدة بتغلط وبتصير مش عارفة إيش بدها تحكي بتنزل عينها بالأرط وبتعتذر على أساس مش رح تعيدها، أمّن إنه أكسر عيني خوف مني مش فاهمة إيش القصد؟ أه يا ستي العين نار وجمرة وإللي ما بتعرف عينها وين بتطلع بتحرك الأخضر واليابس العين بتحسد وبتصيب وكانن زمان يكولن إلنا وإحنا زغار لما تشوفي إيشي وتكوني مشتبهة يكون إللك لازم نكسر عيوننا وندعي إللي أطعم غيري يدوقني منه شكفة، وهاي على كل شي بعجبك يمكن فستان حلو وإلا لكمة زاكية وإلا حتى قسمات حلوات أو حتى عريس مهبوب.

طيب يعني إذا بدي أطلع على شغلة حلوة بصرش؟ مرات كثيرة بعجبني شغلات عند صحباتي بعرف إنه مش قدرة أبوي يشتري لي إياها بس بحب أبطلق فيها وأمتع نظري وخص نص الفساتين الغالية. لا يا حبيبتني هيذ حرام وعيب وكل وحدة الله قاسم إلها رزقة وفش حدن بوخذ رزقتك وإنتي بتقدريش توخذي رزقة حدا، وكمان العين ما بتتشبع بتشوفي اليوم شغلة حلوة وبكرة بتشوفي شغلة أجلي، والشطارة تحكي حلو على صحابه والجسم غالب والحالة حلاة القلب والروح وبينك وبينك إدي يا رب زي ما رزقت فلانة ترزق المشحرة الغلبانة. يا حبيبتني العين حريقة بتحرق الصحبة وبضلكيش صحبات والناس بتخاف من عين ما صلت على النبي - عليه الصلاة والسلام- ويا محلى إللي بترضى لأنه الله من فوق براضيها وبجبر خاطرها. بتعرفي وأنا زغيرة كان دايمًا بييجي عبالى الحلو وقد ما كنت أحب الحلو ربي رزقني جار حلونجي كام صارت مرته كل يوم تبعت لي صحن لحد ما زهقت الحلو وشكرت ربي أنه الحلو إجابني على داري ومن غير منية حدا، أكسري عينك يا بنيتي لما يعجبك إيشي وإدعي ربك وإلا ما يجبر خاطرک.

حكاوي

ستي





حركة التحرير الوطني الفلسطيني - فتح
إقليم استراليا



خرافية

قرضة ودين

مرة من المرات كان في صياد رزفته قليلة ودايما بشكي من حظّه المعثر قام مرته قالت له خذ ابنك سعد معك، هاظا بخته دايما قدّامه والجنّ خدامه. وافق الزلّمة وأول ما وصل الشط رمى شباكه وإلا علقّت فيها على السريع سمكة كبيرة ما قدرش يجرها، وصار يسحب وسعد يساعده لحد ما طلّعا السمكة من المي، قام الصياد قال لابنه دير بالك عليها لعبين ما أروح استأجر حمار يساعدا بجرها، أو عك تهرب منك إصحك حدن يسرقها منك وراح صياد.

قام السمكة نطقت وصارت تترجى سعد يتركها ترجع على البحر لأنه ولادها زغار ورح يموتوا من الجوع إعمل معي إمنيحة وإللي بعمل ملبح بلاقي منيح، صار سعد يدفش فيها تا رجعت على البحر وبعد شوي رجع أبوه وخزفه إللي صار معه، قام أبوه إنجن وصار يخابط فيه ويقول له بديش أشوف إنتا مطرود من الدار، صار سعد يركض خايف أبوه يذبحه ولما تعب قعد على الشط وراسه بين إيديه، وإلا سمع صوت ولد جنبيه بقول له: شكلك مطرود مثل ما أنا أهلي طردوني شو راك نترافق وندور على رزقنا بالبلد إللي بعد هالجبل، وقف سعد وقاله: إنتا كل شي فيك بشبهني شكلك وقصتك وحتى أنا كنت بفكر أروح أدور على شغل بالبلد هذيك.

وصاروا يشتغلوا مع بعض وكل البلد تعرف أنهم إخوان وشاطرين كثير بالشغل ومؤدبين كثير، مرة من المرات وهم يشتغلوا بالسوق سمعوا مرسال الباشا تاع البلد بصيح ويقول: بنت الباشا انخرست وإللي برجعها تحكي بتزوجها بس إللي بروح يجرب وما بتزبط معه بنقطع راسه. وكل السوق جفل من مرسال الباشا لأنهم بعرفه أنه الباشا إيده وسيف وياما قطع روس بالبلد. بس سعيد أخوه لسعد قال: أنا بدي أروح أجرب حظي، والناس تقول له: هاظا الباشا بخفش الله وهيد الله جازاها سيك منه وحرام أنت شب مزيون وكل بنات البلد بتمنن ظفرك. سعيد ركبت براسه وعلى سرايا الباشا ظل داشع.

لما فات قال أنا بدي أحكي حكاية لبنت الباشا وجهزوا سيف لتقطعوا راسي، قعد قبلها وقالها: كان في ثلاثة رفة سفر ومعهم بضاعة غالية ولما إجوا بدهم يناموا ناموا بالدور، فنام ثنين وظل واحد سهران بس تعبان فقال: خليني أسلي حالي بشغلة ولقي قرمية وبلش يشتغل فيها لحد ما عملها عروس من خشب، بعدها قوم رفيقه وقال له: مظلش فيني حيل بدي أنام. قام الثاني ولاقي عروسة الخشب وقال خليني أتسلى فيها بلاش أنعس وصار يطرش فيها بالألوان ويقصص خرق لحد ما خلّاه عروس مزينة ولايسة ثوب وشناير، ولما تعب راح صحى صاحبه وقاله: مظلش فيني عيوني ذابن من النعس، قام رفيقه ولاقي هالعروس وإشتههاها تصير آدمية إله وصار يصلي ويدعي ربه تا تصير مرته وشوي وإلا هالعروس صارت ترقص وتغني صحوا رفقاته وكل واحد صار يحكي هذه العروس إلي أنا، وإنتي يا بنت الباشا شو راك هذه العروس لمين؟ قام قالت: العروس لتي دعي ووصلتي تا تصير مرته. وهون الباشا صار يرقص بنتي رجعت تحكي وأنت يا شب خلص رح تصير عريسها. راح سعيد لعند حسن وقال له: جهّز حالك الليلة عرسك على بنت الباشا، قام حسن قاله: لع هذه عروستك إنت، قعد سعيد وقال له: بتذكر السمكة إللي رجعتها على البحر هذه أنا وزبي ما إنت إعملت معي إمليحة هياتني بردلك أياها والدنيا يا صاحبي قرضة ودين



حركة التحرير الوطني الفلسطيني - فتح
إقليم استراليا



ديوان وردة الغضب
- الشاعر: الدكتور أحمد الريماوي.
- دار النشر: همسة.

صدر
حديثا

فراشات فلسطين

الاسم العلمي
Danaus Chrysippus
دانس كرايزيبس

